

KJKP "VODOVOD I KANALIZACIJA" d.o.o. SARAJEVO
DIREKTOR
Izvod broj: KZ 56/17

Sarajevo, 14.9.2017 godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 56/17 od 12.09.2017. godine, u postupku javne nabavke br. KZ 56/17 „Nabavka software-a za elektronski protokol“ donosi se :

ODLUKA

o poništenju postupka javne nabavke

Član 1.

Poništava se postupak javne nabavke broj KZ 56/17 za nabavku roba : „**Nabavka software-a za elektronski protokol**“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

Član 2.

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : KZ 56/17 od 29.06.2017.godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a iznosi : 40.000,00 KM.

Obavještenje o nabavci broj: 247-7-1-109-3-153/17 poslato je na objavljivanje na Portal javnih nabavki dana 04.07.2017.godine . Komisija za javnu nabavku imenovana je Rješenjem br. 293/16 od 03.11.2016.g., i dopunskim Rješenjem članova komisije broj KZ 56/17-1 od 29.06.2017.g.

Komisija za javnu nabavku dostavila je dana 12.09.2017.g. Preporuku o poništenju postupka javne nabavke roba : „Nabavka software-a za elektronski protokol“ – tender broj KZ 56/17.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 4 (četiri) ponude – "Nites" d.o.o Banja Luka; „Timos“ d.o.o. Sarajevo; „ QSS“ d.o.o. Sarajevo i „ ORKA“ d.o.o. Sarajevo.
- Da su blagovremeno zaprimljene: 4 (četiri) ponude – "Nites" d.o.o Banja Luka; „Timos“ d.o.o. Sarajevo; „ QSS“ d.o.o. Sarajevo i „ ORKA“ d.o.o. Sarajevo.
- Da nije bilo neblagovremeno zaprimljenih ponuda
- Da dostavljena ponuda ponuđača „ ORKA“ d.o.o. Sarajevo ne ispunjava zahtjevane TD uslove prema obliku i potpunosti u smislu pripreme ponude.

Konstatovano je da dostavljena ponuda ponuđača „ORKA“ d.o.o. Sarajevo nije numerisana, a što je zahtijevano u tački 17.1 tenderske dokumentacije "Priprema ponude". U okviru navedene tačke je definisano sljedeće : *Sve stranice ponude se označavaju na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki sljedeći dio započinje rednim brojem kojim se nastavlja redni broj stranice kojim završava prethodni dio. Garancija kao dio ponude se ne numeriše. Ako sadrži štampanu literaturu, brošure, kataloge koji imaju originalno numerisane brojeve, onda se ti dijelovi ponude ne numerišu dodatno.*

Iz navedenog razloga konstatovano je da ponuda ponuđača „ORKA“ d.o.o. Sarajevo ne ispunjava zahtijevane tenderske uslove prema obliku ponude (numeracija), te se kao takva odbacuje i nije predmet daljeg razmatranja.

-Da dostavljene ponude ponuđača „Timos“ d.o.o. Sarajevo, „Nites“ d.o.o. Banja Luka i „QSS“ d.o.o. Sarajevo ispunjava zahtjevane TD uslove prema obliku i potpunosti u smislu pripreme ponude.

-Da dostavljene ponude ponuđača „Timos“ d.o.o. Sarajevo, „Nites“ d.o.o. Banja Luka i „QSS“ d.o.o. Sarajevo , ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

- Daljim pregledom ponuda od strane stručnih lica za predmetnu nabavku je konstatovano sljedeće:

- pregledom ponude ponuđača „Timos“ d.o.o. Sarajevo, konstatovano je da isti nije dostavio web adresu za testiranje aplikacije, a što je zahtijevano u tački 7. tenderske dokumentacije „Opis predmeta nabavke“ u okviru koje je navedeno i sljedeće :„Svi ponuđači su dužni dostaviti web adresu za testiranje aplikacije sa pristupnim parametrim“.
Obzirom na navedeno, Komisija je konstatovala da ponuđač „Timos“ d.o.o. Sarajevo ne ispunjava zahtjeve ugovornog organa tražene tenderskom dokumentacijom, zbog čega se ponuda ovog ponuđača smatra neprihvatljivom i ista se odbacuje.
- pregledom ponuda ponuđača „Nites“ d.o.o. Banja Luka i „ QSS“ d.o.o. Sarajevo, na osnovu dostavljene web adrese za testiranje aplikacije konstatovani su sljedeći nedostaci :

Specifikacije softvera za korisnike DMS sistema	Nites d.o.o. Banja Luka	QSS d.o.o. Sarajevo
Razdvojen registar dokumenata za pravna i fizička lica	NE	NE
Mogućnost povlačenja podataka akta iz baze podataka prethodno zavedenog predmeta	NE	NE
Praćenje rješavanja predmeta i njegovo arhiviranje (mogućnost da sistem podrži izlučivanje i slanje predmeta u arhiv) - izvještaj o takvim predmetima	NE	NE
Neophodna je evidencija arhivskih knjiga u koje se grupišu predmeti određenih klasifikacija i godina, po roku čuvanja u registratorima, sa podatkom gdje se on nalazi u arhivi.	NE	NE
Sistem mora imati online uputstva za rad u svakom modulu, uputstvo mora biti intergirano u samom radnom okruženju	NE	NE
Sistem mora imati chat room za komunikaciju medju korisnicima, medju grupama korisnika na principu messangera	NE	NE
Sistem mora sadržavati jedinstven imenik za sve korisnike, jednom unesen podatak mora biti dostupan svima	NE	NE
Sistem mora imati integrisan SMS servis i mail servis (SMS server), koji će automatski i sistemski obavještavati klijente o toku obrade njihovih predmeta, o promjeni službe, o završetku predmeta.	NE	NE
Svi moduli moraju biti međusobno povezani, prelazak iz jednog modula u drugi mora biti omogućen kroz samu aplikaciju	NE	NE

Iz gore navedenog razloga, Komisija je utvrdila da ponuđači „Nites“ d.o.o. Banja Luka i „QSS“ d.o.o. Sarajevo ne ispunjavaju zahtjeve ugovornog organa tražene tenderskom dokumentacijom, zbog čega se ponude ovih ponuđača smatraju neprihvatljivim i iste se odbacuju.

Polazeći od gore navedenih konstatacija i činjenice da za predmetnu nabavku **nijedna od primljenih ponuda nije prihvatljiva**, Komisija je utvrdila da su ispunjeni uslovi iz člana 69. stav 2. tačka d) ZJN za poništenje postupka javne nabavke, za predmetnu nabavku roba : „Nabavka software-a za elektronski protokol“ – tender broj KZ 56/17

Iz gore navedenih razloga, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:
-Ponuđačima
-a/a

*Se
Hadzić*



Director
Hadzić

Nezir Hadžić, Magistar uprave